



# Báikkeaviissa NuorttaSálto

## Silja Ájluovtas le Vuona ambassadørra Eestin

Tæksta: Børge Strandskog  
Järggálibme: Idar Kintel

Hálvva guhkke 1 dábálasj bajássjaddamis Divtasvuonan oajvemus barggij vuona álggorijkadievnnon. Valla dav gæjnov le Silja E. Skjelnes Ájluovtas viehka jáhtelit vádtsám. Uddni le sán Vuona chargé d'affaires (ambassadørra) Eestin.

Ienemus oasse mijájs ájadalli sihkarit sij gudi álggorijkkan ambasadørran barggi li vuorrasap, rávvisvuohtak álmma. Navti galla ij la, miejnni Silja Skjelnes. - Gávnnuži duot dát ulmusj. Iv le állu ájnegasj mov dilen, dættot sán.

Valla ij gal akta ber gut bargov álggorijkadievnnon oattjo. Berustibme le stuorak, valla nállosjalimme 1 gárttje, riek gárttje. Dalloj gå Silja aspirantkursaj áhtsáj, de lidjin 800 áhttse. Dássju 17 sijájs bessin kursaj! Akta sijájs lij Silja Skjelnes.

Sán vuodoskávláv sijdan Ájluovtan váttisj ja joarkkaskávláv Oppáiden, gánná lij russa jagen 1996. Dan manŋela stáhtadiedov Roandemin lágáj. Ja de álggorijkkaj jáhttáj, lágátjit Irlandan, Lullerijkkan ja Londonin. Navti tjadádij guokta mástergráda – avtav rijkajgasskasasj politihkan Wienin ja nuppev politihkasasj guládallamin Londonin. Danna aj bargaj máttijn prosjevtajn tjanádum Storrabritannia parlamænntaj ja viddnudagájda ma barggi politihkasasj guládallamijn ja lobbydájmaj.

Jagen 2005 lidjin Siljan moadda virge álggorijkadepartementan ávdđál tjadádij nammadum aspirantkursav gidán 2006. Bårggemáno rájes jagen 2006 le sán vuona ambassadan Tallinnin, Eestin barggam. Ambassada ájnnašamos barggo le gátsedit ja ávdedit Vuona berustimijt Eestin, ja barggat aktijvuodav bisodittjat ja ávdđanahtátjit ja dilev

láhtjet buoremus aktijvuohtaj Vuona ja Eesti gaskan boahhteájggáj. Ambassada aj barggá moattelágásj álggorijkajpolitihkasasj, sebrulasj ja ekonomalasj gatjálvisáj, kultuvrra-aktisasj bargojn ja præssa- ja diehtobargojn. Galggi aj viehkedit Vuona viesádijt pássaj ja ietjá lándaj viesádijt duola dagu visum- ja árronloabe áhtsámin. Moadda suohkanijn Vuonan le duot dát aktisasj barggo Eestijn, ja ájggomus le ienebuv dajs ásadit. Dan diehti ásaduváj stuorra seminárra Vuona ja Eesti suohkanijda ja fylkkasuohkanijda dássju vahko dássta ávdđála.

Vuona ambassada gávnnuži væráldav miehtáj duon dán stuorrudagán ja barggelágojn. Tallina ambassada le unnemusájs, gietjav barggij aktan avta praktikantajn. Uddni le Silja Ájluovtas ambassadørra jali chargé d'affaires, ja navti Vuona ávdemus ávdástiddje Eestin.

- Álgos barggiv ambassadatjállen, valla dálla bargav chargé d'affaires'an gå ambassadørra le skihppen tjáledum, subtsas sán.

Silja gæhttal sijddaj Ájluoktaj boahet binnemusát 3-4 jáhkáj, ja fámillja nuorttan le aj smidá suv Eestin guossidittjat. Sán riek buoragit Eestin soapptsu, gánná árru aktan guojmijnis Johan. Sán helikopterhálediddjen barggá Nuorttaáben ja Tallina ja Bierguna gas-kav manelt, gánná suv barggosadje le.



Silja E. Skjelnes le Vuona ávdemus ávdástiddje Eestin.

- Ulmutja Eestin li riek hávsske, moatte láhkáj mijáj Nuorttarijkagij muodugattja, javllá Silja, guhti 1 eestigielav oahppagohtám.

- Iv la vuojga giellatjehppe, valla buvtáv ieññilsgielav, dujskagielav ja vehi

fránskagielav, subtsas sán.

Silja galggá Eestin árrot boahhte gæssáj. Majna de ájggu barggat, ij sihkarit diede. – Ihkap álggorijkadepartementan Oslon ietjá dájmaj bargav, jali ietjá bargov ietjá álggorijkastasjávnnán átsáv. Vuojnáv ma?enagi, hæjtta sán.

Várdudahka  
Tallinin.

